



## **Universitätsbibliothek Paderborn**

### **Acta Ecclesiae Mediolanensis**

Decreta Provinciae Mediolanensis Svb B. Carolo Borromeo, Cardinale Archiepiscopo, Diuersis temporibus in sex Concilijs, totidemq[ue] voluminibus edita

**Speciano, Cesare**

**Brixiae, 1603**

Constitvtio De Forma Faciendi Processvs, & Inquisitiones ex præcepto Concilij Tridentini.

**urn:nbn:de:hbz:466:1-10553**

vt earum exemplis, & transumptis manuscriptis, vel impressis, & manu alicuius Notarii publici subscriptis, ac sigillo alicuius Praelati munitis, par vbique fides habetur, ac si praesentes exhibitæ essent, vel ostensæ.

Datum Romæ apud Sanctum Petrum sub annulo Piscatoris, die 23. Octobris millesimo quingentesimo sexagesimo sexto, Pontificatus nostri anno primo.

Ant. Florebellus Lauellinus.

Anno à Nativitate Domini millesimo quingentesimo sexagesimo sexto, Indictione nona, die vigesima octaua mensis Octobris, Pontificatus S. D. N. Pij Papæ V. Anno primo suprascriptæ literæ affixa, & publicata fuerunt in locis suprascriptis, per nos Bernardinum Andreutum, & Iohannem Andream Rogerium Apostolicos Curores.

Philibertus Chapius Magister Curorum.

**CONSTITUTIO DE FORMA FACIENDI PROCESSVS,**  
& Inquisitiones ex præcepto Concilij Tridentini.

Super promouendis ad regimina Ecclesiarum Cathedralium, & aliarum Superiorum, seu Monasteriorum, atque ad cæteras dignitates de quibus in Consistorio prouidetur.

Gregorius Episcopus seruus seruorum Dei. Ad perpetuam  
rei memoriam.

**O**nus Apostolicæ seruitutis, ad quod nuper nos dignatio diuina prouexit, a fiduè admonet, in eam potissimum curam nobis esse pastorali sollicitudine incumbendum, vt quæ à sacris œcumenicisque Concilijs pro communi totius Christiani populi salute pie prudenterque statuta sunt, nulla aut temeritate violentur, aut negligentia deserantur; ea præsertim, quæ ad bonos idoneosque pastores Cathedralibus, ac Superioribus Ecclesijs gubernandis præficiendos pertinent, nam si in quibusvis Ecclesiæ gradibus, & ministris curandum est tales eligi, qui Religione, & sanctitate fideles ædificant, multò certè magis elaborandum est, ne in eius electione erretur, qui supra omnes gradus constituitur, cui tanquam seruo fideli & prudenti totius familiæ cura traditur, qui ad omnem virtutem, & mandatorum Dei obseruantiam aliorum forma esse debet; cum certum sit gregis salutem magnopere pendere ex boni pastoris præstanti vita, & doctrina. Sanè venerabiles patres, qui ex toto terrarum Orbe ad sacram generale Tridentinum Concilium à Summis Pontificibus prædecessoribus nostris euocati magna frequentia conuenierunt, cùm in alijs rebus multis præclarum studium ad corrigendos depravatos mores, & collapsam Ecclesiasticam disciplinam restituendam ostenderunt, tum in eo potissimum insigni zelo magna que cum laude laborarunt, vt rationem inuenirent, qua viri doctrina pietate prudentiaq; excellentes, & in Ecclesiasticis functionibus diu multumque versati, Ecclesijs Cathedralibus præsicerentur. Nosigitur, qui cù in minoribus constituti Cremonen. Ecclesiam regeremus, in eodem Concilio cù sanctis, & egregijs illis Patribus interfuius, & Concilio absoluto ad Ecclesiam nostram reveri magno semper desiderio flagrauimus, vt tam salubriz generalis Concilij decreta executioni debitæ mandarentur, atque, vt id fieret pro virili parte curauimus; Multò nunc magis, cum disponente Domino omnium Ecclesiarum

cura

cura, & sollicitudo nos præmit, summo desiderio tenemur, ut Pastores iij preficiani Ecclesijs, qui opus suum, & ministerium impleant, & de ouium salute nos in Domino letifcent. Illud autem in hoc saluberrimo, & pernecessario negocio, quod est de Episcopis eligendis, & præficiendis videtur esse præcipuum, ut instructio, examen, & inquisitio de fide, vita, moribus, doctrina, & prudentia promouendorum tam accuratè, fideliter, ac serio instituatur, ut omnis fallaciæ fuso scemoto, certè eon fidere valeamus; tales à nobis Christi gregi pascendo esse præpositos, quales tantu onus, Angelicis videlicet humeris formidandum, exigit, & quales ille expetit, qui pro ijsdem ouibus redimendis propriæ vitæ, ac sanguine non pepercit. Et quidem in hac parte prouidentia dicti Concilii Tridentini minimè defuit, cum statuerit, ac mandauerit, vt in Prouinciali Synodo per Metropolitanum habenda præscribere tur quibusque locis, & Prouincijs, propria examinis, seu inquisitionis, aut instructionis facienda forma Roman. Pontificis arbitrio approbanda, qua magis eisdem locis utilis atque opportuna esse videretur. Verùm neque id hactenus nisi à paucissimis factum est, neque spes est nisi longissimo temporis spatio, ut ab omnibus fiat, atque interim, dum certa examinis sive inquisitionis ratio à Prouincialibus Conciliis expectatur, perit ubi ille fructus, qui ex tam virilibus Concilii generalis decretis sperari posse videbatur; & experientia ipsa docuit per tot annos à publicatio ne Concilij predicti elapsos, quid in unaquaque Prouincia opus sit, quidve possit fieri. Habita igitur cum venerabilibus fratribus nostris Sancte Romanae Ecclesie Cardinalibus, matura deliberatione, ac de eorum vnanimi consilio, & assensu, præsenti nostra perpetuò valitura constitutione decernimus, ut cum extra Roman. Curiam examen, instructio, sive inquisitio facienda erit, nemo omnino cuiuscunque status, gradus, conditionisve fuerit inquisitionem prædictam sibi arrogare presumat, sed integrum hoc negocium iis, qui à prædicto Tridentino Concilio designantur, Apostolicæ, videlicet, sedis legatis, seu Nunciis Prouinciarum, aut eius de quo inquisito sit, Ordinario, eoq[ue] deficientे Ordinariis vicinioribus relinquatur, nisi iustis de causis nobis, aut pro tempore existenti Roman. Pontifici per speciale mandatum alicui alteri hoc munus quandoque committendum esse visum fuerit. Quod si forte aliquis prædicatorum consanguinitate, aut affinitate usque ad tertium gra dum inclusuè promouendum contingeret, ut omnis suspicio carnalis effectus à tam sancto negocio repellatur, ille quidem eo casu censeatur exclusus, atque ad eum, qui proximè sequitur hoc est, si Legatus excludendus erit, ad Nuncium, si Nuncio ad Ordinarium, si Ordinarius ad vicinorem Ordinarium inquisitionis officium deferatur. In Curia vero hæc functio spectet vel ad eos Cardinales, qui à nobis, vel pro tempore existente Roman. Pontifice diligentur, vel ad Cardinales earum Prouinciarum, seu Regorum apud nos, & Sedem Apostolicam Protectores, in quibus Ecclesia ipsa consistunt, si tamen ad ipsos huiusmodi vacantium Ecclesiarum relatio pertinebit. Quod si de Episcopo vel Metropolitanano extra Roman. Curiam degentem ab una Ecclesia ad aliam ex aliqua graui & iulta causa transferendo ageatur, hoc munus deficientibus Legato, vel Nuncio Apostolico eius Prouinciæ, aut Regni ubi Ecclesia ipsa à qua trasfertur sita erit, ad Metropolitanum, si Episcopus, ad suffraganeum vero antiquorem residentem, si Metropolitanus transferendus erit pertinere declaramus. Deinde, quia sacrum Tridentinum Concilium, non sine magna ratione eminentes personas, & que negocii magnitudinem probè intelligenter, ad hoc officium nominavit. Declaramus, & statuimus tam Legatos, sive Nuncios, quam Ordinarios, vel alios ab hac Sancta Sede forte delegandos non per Auditores, aut Vicarios, aliosve Ministros, sed per se ipsos inquirendi munus exercere debere; quamuis ab huiusmodi personis aliisque viris peritis adiuuari possint. Et si Prælatus inquirens per se non posset ob locorum distantiam testes examinare circa articulum aliquem, ut legitimos natales, vel etatem, aut aliquid eiusmodi, licebit, ei articulum illum alteri personæ in dignitate Ecclesiastica cōti

tuta

tutæ iubdelegare, non autem vniueriam inquisitionem. Quod si forte contingit, aliquem supradictorum legitimè impediri, ut per se hoc munus præstatum non possit, ad alios ea cura transferetur, qui sunt ab eodem Concilio Tridentino ad hoc officiū designati, vt supra dictum est, de ijs qui ob consanguinitatem, vel affinitatem ab hoc munere excluduntur. Ad hæc, ut mens eiusdem sacri Concilij recte, ac fideliter debitæ executioni mandetur, & tale sit examen, quale requiritur in negotio tanti ponderis, declaramus, ac statuimus, non esse in vita, ac doctrina promouendi inuestiganda eam rationem adhibendam, ut ab ipso promouendo articuli offerantur, ac testes producantur, sed oportere, ut prælatus, qui munus inquirendi suscepit, articulos conscribat, atq; ipse ex officio suo illos testes vocet, atq; examinet, quos de rebus inquirendis sincerum, ac fidele testimonium datus esse existimet. Verum, ut inquisitio prædicta facilius, ac plenius perfici, atq; expediri queat, utile erit, si Prælatus, qui inquisitionem facturus est, vel à promouendo, vel ab alio aliquo confici curret schedulam, in qua sint ordine descripta nomen promouendi, cognomen, patria, parétes, ætas, ordo, gradus, professio, functio, si quam is foro exercuit, loca in quibus, aut Theologiæ, vel iuri Canonico operam dederit, aut longo tempore versatus fuerit, deniq; amici, ac familiares, qui tam ipsum, quam parentes eius intimè novent. Quod si promouendus documentum aliquod exhibere voluerit, vnde ipsius ætas, gradus, dignitas, sacri Ordines, functio, officia muneraq; aut aliquid eiusmodi comprobetur, admittendum, ac processui inserendum erit, modò documentum publicum seu authenticum fuerit. Illud quoq; prohibendum censuimus, ac exprestè prohibemus, nè ad testimonium dicendum de fide Catholica, vita, moribus, doctrina, atq; aptitudine, ad regendam Ecclesiam quilibet homines admittantur; sed viri tantum graues, pii, prudentes, docti, qui de qualitatibus promouendorum rectum iudicium ferre valeant, ac ut supradiximus, sincerum, ac fidele testimonium dare velint. Proinde tam cognati, ac nimium familiares, quam inimici, atq; æmuli excludingendi erunt. Porro testes eiusmodi Prælatus, qui examen, seu inquisitionem habitus erit, seorsum, ac sigillatim examinabit, & si qua fide iudicauerit expedire, eis ad memoriam reducat, tum iuramenti vim, tum periurij grauitatem: eosdem etiā serio, & grauiter admonebit ipsos reos futuros apud Omnipotentem Deum eorum omnium, quorum, vel committendo, vel omitendo rei erunt qui promouebuntur, si vel falsa narrando, vel reticendo vera, in causa erunt, ut homines indigni, vel minus indonei eiusmodi Ecclesijs præfiantur. Diligenter etiam testimoniū qualitates cognoscere studebit, ac potissimum quam sint ad promouendos affecti, ut inde coniiciat utrum ex affectu, an ex veritate testimonium dicant. Deniq; cum testes de qualitatibus promouendi interrogabit, dabit operam, ut quoad eius fieri potest omnina, & singula, quæ ad prædictam inquisitionem facere videbuntur, per ipsos exprimantur. Quamuis autem qualitates omnes promouendorum, quæ in Generalium Synodorum decretis, alijsq; Canonis sanctionibus continentur, probè cognitæ esse debeant, ijs, quibus inquisitionis officium demandatum est, quales sunt natum esse ex legitimo Matrimonio, atq; ex parentibus Catholicis. Annum trigeminum iam expleuisse, sacris ordinibus, saltem ante sex menses initiatum esse, gradum Doctoratus, aut licentia in Theologia, vel iure Canonico, aut certè publicum alicuius Academiæ testimonium obtinuisse, quoad alios docendos idoneus esse declaretur, adhuc in Ecclesiasticis functionibus diu esse versatum, item fidei puritate, Innocentia virtutæ, prudentia, vsu rerum, integra fama, doctrina deniq; præditum esse; tamen quia circa doctrinam plures fraudes cōmitti solent, & sèpè contingit, ut nonnulli scientia vacui, de solo Doctoris titulo, aut priuilegio gloriorientur: volumus, ut de eorum etiam doctrina diligenter inquiratur, qui, vel Doctoratus, aut licentia titulis, & priuilegijs gaudent, vel etiam à publicis Academijs testimonium habuerunt, quod idonei essent ad alios docendos; nisi forte aliquorum insignis doctrina, ex publica ipsorum functione notoria esset. Ita verò inquisitio facienda erit, ut quibus in lo-

cis,

cis, quanto tempore, & quo fructu Theologiae, vel iuri Canonicō promouendus operam dederit cognoscatur. Et quoniam in quibusdam prouinciis nulla sunt studia generalia, neq; vllæ publicæ Scholæ, neq; vsus habet, vt qui studiis operam nauant, vllis Doctoratus, aut licentia insignibus decorentur, declaramus in eiusmodi locis sufficere, si testimonio virorum grauium, & sacrae Theologiae, vel iuris Canonicī peritorū constet, promouēdos ea Scientia Theologiae, vel Canonum verē pollere, vt idonei sint ad ea docenda, quæ populum Christianum scire oportet, ac munieris sibi iniungendi necessitatē valeant satisfacere. Testes præterea deponant se de Scientia promouendorū cettos redditos esse ex eo, quod prædictos promouendos specimen suæ doctrinæ publicè, vel priuatim dedisse cognoverint. Quod autē ad regulares pertinet cum ad Ecclesiæ Cathedrales promouendi fuerint, ne fraus vlla subrepere possit, in eo, quod idem Tridentinum Concilium statuit, vt regulares à suis Superioribus sufficientis doctrinæ testimonium habeant. Declaramus nomine Superiorum eos duntaxat intelligendos esse, qui nullum sui Ordinis Superiorum agnoscunt, siue ij cuiusvis Ordinis Abbates, Magistri, aut Ministri, aut Præpositi generales, aut quarumlibet Congregationum Præsidentes, siue Definitores, aut Visitatores Capitulum generale repræsentantes, siue alij quocunq; vocabulo nominentur, & in eorum absentia ipsorum Vicarij, seu Commissarij generales, vel in Roman. Curia procuratores Ordinum, aut Congregationum generales in hac parte succedant. Et nihilominus præter superiorum testimonium, qui fidem facient eiusmodi regulares ad alios docendos idoneos esse, volumus ea seruari quæ de ijs diximus, qui publicum suæ doctrinæ ab aliqua Academia testimonium habent; vt videlicet serio inquiratur an regulares ad Cathedrales Ecclesiæ promouendi eos progressus in studiis fecerint, qui in futuro Antistite requiruntur. Post inquisitionem verò de fide, vita, moribus, doctrina, & prudencie promouendi, necnon informationem de statu Ecclesiæ alijsque necessariis rebus, quæ pariter coram superius expressis Prælatis iuxta eiusdem Concilij decreta fieri debet, professio fidei Catholicæ à promouendo facienda erit; quam quidem ab eo duntaxat recipiendam esse declaramus, ad quem inquisitio pertinebit; nisi fortè qui professionem emissurus est à Prælato inquirente longè distet: tunc enim is Prælatus ex subdelegatione inquirentis professionem admittere debebit, cui promouendus vicinior erit, quod idem intelligatur, de informatione de statu Ecclesiæ, accipienda; si quando contigeret, vt in alia Provincia, siue Regno esset Ecclesia, in alio promouendus. Recipiet autem Prælatus professionem promouendi præsente Notario publico, ac testibus, atque eam à se admissam, ac receptam propriæ manus subscriptione testabitur. Is quoq; qui professionem eiusmodi fecerit, in eo loco vbi proprium nomen profitten-  
tis exprimi solet, nomen suum manu propria adscribet. Deniq; his peractis Notarius publico instrumento fidem faciet de professione prædicta adhibitis testibus, vt præfertur. Vbi verò totum examen seu inquisitio de persona promouenda perfec-  
ta fuerit, ea in instrumentum publicum redacta cum toto testimonio, ac professio-  
ne fidei emissa ad hanc sanctam Sedem, vt Concilium statuit, quamprimum clausa, & obsignata in forma authenticæ transmittenda erit. In qua re obseruari volumus,  
vt professio fidei iisdem omnino verbis descripta sit, quæ in ea forma continentur,  
quam felicis record. Pius Papa IIII. Prædecessor noster statuit obseruandam, & vt  
Prælatus, qui instructionem, examen & inquisitionem fecit, vel per literas separa-  
tas simul tamen cum processu mittendas, vel per subscriptionem dicti processus si-  
gnificet, quanta fides testibus examinatis eorumq; dictis, & scripturis productis suo  
iudicio habenda sit; simul etiam quid de promouendo ipse sentiat. processus autē  
sic formati, & ad Curiam transmissi, à Cardinale, cui proponendi munus incumbet,  
& à tribus prioribus Ordinum Cardinalibus, vt moris est, iuxta formam Concilij  
prædicti subscriptur, & expedientur. Volumus autem, vt Cardinalis relator mo-  
net promouendum si præsens in Curia fuerit, vt iuxta Concilium Lateranen. no-

ultime

uissimè celebratum, omnes Cardinales sive maiorem partem Collegij adeant, an-  
tequam Ecclesiam proponat; vt quæ à referente Collega sint audituri, occulata fide  
quantum ad personam promouendi attinet cognoscere possint. Hęc porrò omnia,  
quæ de promouendis ad Ecclesias Cathedrales dicta sunt, ad eos etiam pertinere  
atque in eorum promotione seruanda esse declaramus, & decernimus qui nomi-  
nati presentati, aut electi fuerint, ad dignitates Abbatiales, ac Prioratus, seu Prä-  
posituras, Monasteriorū regimina, aut aliās Regularium cuiusvis Ordinis, aut etiā  
secularium prefecturas, de quibus consistorialiter prouideri contigerit, atque eos  
præsertim, quibus præter curam, & regimen Monachorum, aut Canonicorum cleri-  
corumque regularium, vel secularium annexa est in populum iurisdictionis spiritua-  
lis, vel temporalis, excepta tamen a tate circa quam nihil innouamus. Quo verò ad  
doctrinam, cum generalia Concilia non statuant, vt personæ promouendæ ad regu-  
lares dignitates Doctoratus sive licentiæ gradum suscipere, vel publicum testimo-  
nium ab Academia aliqua habere teneantur, & tamen æquum sit, vt ea doctrina pol-  
leant, qua onus sibi impendendum sustinere valeat, declaravus, & statuimus, vt  
Prælati, qui inquirendi munus suscepti sunt, studiosè, ac diligenter inquirant su-  
per doctrinam eiusmodi personarum iuxta modum, & formam superius prescriptam,  
vt nos, & pro tempore futuri Roman. Ponifices habita de illis vera informatione  
per processum qui ab inquirente transmittetur, certò statuere, ac iudicare possumus  
an persona promouenda verè sit talis qualem dignitas illa ad quam prouehenda est,  
exigit & requirit. Hortamur verò in visceribus Domini nostri Iesu Christi, ac pa-  
terna charitate monemus eos omnes, qui ab hac sancta Sede nominandi presentan-  
di, vel etiam eligendi futuros Episcopos, vel Abbates ius habent, vt serio apud se co-  
gitent quanti momenti sit hoc negotium ex quo salus animarum, tranquillitas Rei-  
publicæ, incolumitas Religionis, propagatio fidei, aliaq; permulta, & maxima bona  
dependent. Illud etiam sæpe, & sepius ad mentem reuocent, quod sancta Tridenti-  
na Synodus admonet, nihil sé ad Dei gloriam, & populorum salutem vtilius posse  
facere, quām si bonos pastores, & Ecclesiæ gubernandæ idoneos promouerist studeant,  
eosque alienis peccatis communicantes mortaliter peccare: nisi quos digniores, &  
Ecclesiæ magis vtiles ipsi iudicauerint, non quidem precibus, vel humano affectu,  
aut ambientium cupiditatibus, sed eorum exigentibus meritis præfici diligenter  
curauerint. De nominandis verò, præsentandis, vel eligendis ad regulares dignita-  
tes præter ea quæ superius obseruanda esse declarauimus, illud quoque paternis his  
nostris hortationibus, & monitionibus adjiciendum censuimus, vt nominationis  
præsentationis, vel electionis ius habentes eos diligere studeant, atque omnino co-  
nentur, qui non modò eundem ordinem sint ante professi; sed in eodem etiam satis  
diu laudabiliter versati: neque enim decet vt Magistri aliorum esse incipient, qui  
non fuerint ante discipuli, & subditis imperare præsumant, qui prius non dide-  
rint Superioribus obedire. Eos deniq; qui vel examinando, & inquirendo, vel te-  
stimonium ferendo operam suam in hac re præstabunt serio admonemus, vt ea fide,  
ac diligentia in negocio tanti momenti versentur, vt à Deo, & à nobis laudem pro  
bono opere expectare valeant. Nulli ergo omnino hominum licet hanc paginam  
nostræ prohibitionis, voluntatis, declarationis, decreti, statuti, hortationis, & mo-  
nitionis infringere, vel ei ausu temerario contraire. Si quis autem hoc attentare  
præsumperit indignationem omnipotentis Dei, ac Beatorum Petri, & Pauli Aposto-  
lorum eius se nouerit incursum. Dat. Romæ in Monte Quirinali, Anno Incar-  
nationis Dominicæ millesimo quingentesimo nonagesimo primo, Idibus Maij Pon-  
tificatus nostri anno primo.

A. Card. Montaltus Summator:

M. Vestrius Barbianus.

A. de Alexis.

C O N